

四庫全書

史部

欽定四庫全書

幸魯盛典卷三十四

聖駕幸闕里祀

先師禮成恭紀

戶科給事中臣汪晉徵

盛世隆文教

宸衷叶聖心淵源洙泗遠矩矱帝王欽柴望先東嶽觀

游到孔林

龍旗輝絳日

鸞輅越青岑
燕許誇驂乘
鄒枚慶盍簪
盛儀超往古
曠典耀當今

睿藻星辰爛

天章日月臨
雲霄頒渙汗
典秩歎林壬
庭植千年檜
堂懸六代音
冠裳真肅穆
廟貌儼蕭森
禮器紅螭古
豐碑碧蘚侵
羹牆如晤對
心性任探尋
手澤瞻函丈
遺徽在瑟琴
乾坤同廣大
海嶽並崇深

陶后尊師意軒轅問道忱詩書時灌溉丘索益
浸淫爵賞

恩逾渥牲牲祀必歆匪材同朽櫟末學等蹄涔職滯周
南地心依鳧繹陰抒懷遙獻頌仰止思難禁

聖駕幸闕里恭賦

禮科給事 中臣錢晉錫

聖治唐虞接

宸衷洙泗傳斯文垂斗極吾道絕蹄筌書軌攸同日干

戈載戢年盛儀將

李魯

法駕遠從燕萬騎聞雷動
千官看壁聯

鸞旗晨捲霧

鳳葆夕浮煙
宅枕尼山舊
星當奎宿躔
杏壇流澤遠

槐蔭植根先
懸甕留蚪蚪
遺書奏管絃
泰山親

仰止滄海近
回旋謁宮牆
峻趨踰俎豆
虔

尊師心邁古

重道禮光前肅拜停

鑿輅精禋對几筵薦馨修黍稷宿設戒宮懸日月

宸章麗雲霞

御墨鮮

湛恩優後裔秩祀徧羣賢鏹

賜朱提燦碑穹綠字鐫

帝圖真蕩蕩王路信平平曠典資排纂鴻篇媿穴穿欣

逢文教洽拜手頌堯天

聖駕幸闕里頌

并序

禮科給事中臣黃六鴻

皇上御極二十有三年歷啓上元歲逢甲子風薰舜瑟
軒開復旦星雲環擊堯衢戶仰光天日月集琛
球於域外萬國咸柔敷禮樂於寰中九州漸被
巍巍蕩蕩

至德難名喬喬皇皇

弘猷具備乃猶踵勳華之絕業時厯美牆綜一貫之

心傳彌深寤寐

謂後先符節統備素王遐邇詩書咸宗闕里省方問

俗徃制宜遵重道崇儒

聖心尤切爰舉

時巡之典特隆肆覲之儀維時化日南行

玉輦轉陽和之候文峯北拱金輪卑丘垤之觀指泰

岱以鳴鑾向昌平而

駐蹕式瞻古殿煌煌數仞之牆緬想遺徽寂寂千秋

之鐸犧尊致潔鳳管齊鳴三獻既終百禮斯洽
進諸生而講藝

天語琳瑯集四氏以橫經

王言綸綉烟霏鐵檜金敲玉夏之章日麗螭碑鳳者鸞
翔之筆

膏製昭於星日

恩賚榮於綺庭楹騰旂蓋之輝支庶拜簪纓之寵原
田晦晦黜彼常祖髦士峩峩加之異數錄裔孫

於姬相壇博士於尼山鄒魯千村悉附杏壇遺
澤江淮萬井咸叨

楓陛深仁典莫隆焉

恩斯溥矣夫運開豐沛肇祀太牢詔賜褒成廣封邑戶
釋奠傳於建武太師贈自乾封開元晉文宣之
稱祥符定陪祀之位莫不垂諸簡冊著為典型
然而規制半屬相沿恩施鮮能旁及惟是天開
有道

聖契同心

萬乘親臨禮隆百代一門瞻戴澤被四方誠僅覲於昌
辰實罕聞乎往牒臣學慚螽蟴官職忝班聯恭遇
鴻規曷勝燕喜謹拜手稽首而獻頌曰

維

皇御宇至治光昌
襲軒雅奏紉縵天章
教通樂木化洽
扶桑三千玉帛
百萬梯航啓幄
右文披圖稽古
精一傳心勲華
接武褒對敷天
謳思率土泗水

絃歌尼山鐘鼓睠懷鳳德景企麟蹤旁參往制
駕言徂東歲在甲子時維仲冬

龍旗耀日豹尾臨風鳧繹蹇峩龜蒙萃律闕里鳴鑾
行宮駐蹕毓粹翬飛奎文烏革肅庀牲牷虔修籩食

篆烟縹緲蕭鬯氤氳尊碧醕雲幣丹雘禮隆
裸獻樂奏咸雲壁琴應響壇杏舒芬俯仰松楸
摩挲楷檜

御墨鴻軒

宸章鳳翽

講幄弘開諸儒畢會
芸笈敷陳芝函錫賚

君恩孔渥

聖澤旁流檐輝篆額
篋貯綺裘纒溫四氏蓋

賜九旂爵崇東野膏溢西疇
坊斧擴封田租

詔免木鳳春回金雞日轉
潤浹江淮懽騰青兗喬矣隆

規皇哉曠典載稽前史
詎乏崇儒樞門列戟袞

冕凝珠潤飾弘業表章
遺書雖尊麟紘未枉鑿

輿何幸昌期

聖人首出九野霑仁八紘徧德性道常輝文章共式圖
錄萬年與天無極

大駕幸魯恭頌

掌河南道事江南道監察御史臣嚴曾祭

寶錄端皇極

璿圖握紫樞同書奄九有至化洽三無鄒魯言為法
君師德不孤昌期崇大道曠代祀先儒北拱羅

星斗

東巡協典謨

龍旂觀勝蹟
鳧繹號名區
闕里絃歌奏
齋宮禮數殊

圜橋增博士
講席召生徒
木鐸升堂振
金絲降

輦趨

恩留芝蓋在

詔與杏壇俱
古檜猶存幹
文禽自引雛
從來躋聖域
况

乃接天衢特
重兼金

賜全寬一歲租成珠落咳唾勒石紀都俞師表懸

文廟仁風徧舞雩侍臣多獻頌末技愧操觚

聖駕東巡幸闕里釋奠

先師恭賦

河南道兼察御史臣趙廷珪

聖德超千古

皇風遍九州星迴移闕里花合駐

宸旒雙鳳扶

雕輦羣工從

彩旂水通洙泗近雲接岱宗浮肅穆瞻遺像美牆動
冥搜禮嚴崇俎豆澤遠敬松楸道統三皇接心
傳六字留儼然周禮樂邈矣魯春秋山木懷前
哲風雲入

睿謀碑穹持地軸墨潤灑天球鳧繹成竒觀崆峒豈易
儔小臣逢盛典簪筆紀

巡遊

聖駕東巡幸闕里釋奠

先師恭賦

江西道兼察御史臣錢三錫

化洽凋戈偃時熙玉瑞陳軒皇看受籙闕里表
傳薪矢德弘文運冥心契道真淵源洙泗接典
禮漢唐因嗣廟牲牢盛宮牆展謁親珠旗初北
發

鑾輅遂東巡壤接青疇古山開翠嶂新金躔光燦爛

尼阜勢嶙峋甕著丹書異音留素壁神徘徊趨
鯉處彷彿繞龍辰雷動停千騎雲開列九賓宮
懸聆法樂俎豆見精禋象緯

宸章麗琳瑯

御墨珍萬年輝劍珮五字耀貞珉體挾蛟龍舞聲調金
石均隆儀陪祀肅

寵賚湛恩頻大義重昭揭微言詎鬱堦編摩垂簡冊拊
舞溢簪紳

君極天同峻王風日返淳小臣來絕徼拜手屬車塵
大駕幸魯恭紀三十韻

陝西道兼察御史臣劉維禎

景運上元年文明化八埏

省方遵魯甸望秩考虞編

鳳蓋霜林賁虹旗畫谷鮮八神森列帳七萃肅中權
日麗奎婁野星陳濟汶邊岱雲朝送翠壇燎晝
揚烟奏樂升歆畢崇儒夙

駕前端門真屹若孔里獨巍然遺廟層霄矗中階列
宿懸縹帷仍象佩丹壁自琴絃宗伯處壘洗從

官飭几筵

九重親獻爵兩廡特加籩

龍袞星辰耀鸞行劔佩聯戟門麾纛擁官架鼓鐘縣華

胄皆承

詔雲孫悉聽宣勝衣頒繡段

賜講立彤旃進秩

隆恩溥陪班渥澤沿援毫深

睿想灑墨煥奎躔文挾長河注書垂霽露妍璫璫鬣背
現琬琰鳳形鑄萬古穹碑聳千秋

麗製傳

謁林逾肅穆

駐蹕屢迴旋彩霧籠

仙仗天香繞玉鞭靈著符大衍文楷憶前賢洙水遙
源合防山夕照連摩挲餘檜樹眺覽及林泉並

展銀鈎字俱成瑞錦篇

六飛回輦道百里賜祠田永覩儒風振從教治化全小
臣長拜手快覩日中天

聖駕幸魯恭紀

戶部江西清吏司郎中臣張琦

卿雲欣覩九天開寶鼎香隨

玉輦來振鷺羣飛周佾舞翔螭雙繞漢尊巽甘泉試

汲淵源遠鐵檜重邀雨露培

雕輦更移防阜畔
文孫親為掃莓苔

其二

詩禮堂前

警蹕傳鯉庭瓜瓞正綿綿
牙籤捧出雲霄上組席移
來日月邊靈雀飛飛迎

輦路豐貂鬱鬱惹爐烟馨香此際邀

親薦迴異瞻風過魯年

聖駕幸魯恭紀

戶部貴州清吏司郎中臣陳斌如

夙駕

熙朝出

鳴鑾闕里來星辰舒雁翼日馭控龍媒

紫蓋留金節黃流捧玉壘一牢隆漢祀六籍燦秦灰

肅穆疑

天表流連塵

睿裁杏陰留几席檜紐護風雷座想三千列時逢五百

回至文昭日月重為

聖君開

聖駕幸魯恭賦

刑部福建清吏司郎中臣邵延齡

鄧治隆

巡幸

鴻文備訓謨燔柴虔始告釋奠典弘敷里諺歌游豫
嘉禾協瑞符夔龍驂後乘方虎為前驅日射牙

旗燦雲隨

玉仗紆衣冠風競古父老杖相扶

文教明三德

仁聲溢九區綴班齊鵠立止

輦受嵩呼

帝則初何異

天章迴自殊夜珠香篆吐曉露墨池濡

別殿迎仙幄

行宮指海嶼

省方先問俗訪道獨崇儒
洙水分源委鯉庭識步趨
景行千載合瞻仰一心孚
異蹟思麟紱祥徵憶
鳳圖采盛光俎豆軒蓋壯車徒

宸翰標題切豐碑剗
剔摹由來崇爵秩新得見規模
盛事傳

昭代羣情洽彼都

恩榮遐邇遍紀載古今無
寶篋縹緗貯瑤函錦繡鋪小

臣膺珥筆拜手誌黃虞

聖駕幸闕里釋奠

先師恭紀

刑部廣東清吏司郎中臣胥琬

闕里風雲會文明海域同霓旌萬樹外

鳳輦百花中禮樂兼前代車書列上公

天恩深泗水颺拜盡呼嵩

其二

日暖迎

鑿地雲高

駐蹕亭水連滄海碧山接岱宗青聖道通三極

天文煥六經臣鄰喜起頌簪筆直櫺星

聖駕幸闕里釋奠

先師恭紀

刑部貴州清吏司郎中臣姚士暨

玉燭調元化華平集百祥

武功逾鎬洛

文德紹虞唐風教通重譯車書暨八荒漸摩民俗古

景仰

聖情長諷吉當嚴節

乘輿發未央江淮浮綵鷁鄒魯肅條狼疾苦諮田父

恩膏被井疆觀風

臨秦嶽重道

詣宮牆淵湛洙河水崇闕闕里堂爐烟霏

輦路鹵簿是朝陽嚴翼纔貅旅雍容鷓鷯行鸞聲傳
噦噦鳳吹叶鏘鏘鼓伐靈鼉動旗翻翠鳳揚

一人虔盥薦羣辟盛趨蹌禮物陳三代精忱邁百王管
簫歌備舉都荔散羣芳交暢牲煙達嘉虞福醴

將

孔林瞻瑞靄

講席吐琳瑯父老圜橋聽旌麾向夕張

回鑿松幄畔

駐蹕杏壇傍
愜慕思彌切
低徊眷不忘
歲蕤留

寶蓋霏結灑

宸章捧去蛟龍護
懸來日月光

尊師情繾綣
延世澤汪洋
胄子承


天顧諸生被繡裳

主恩真莫並

聖德有餘慶
錫帛阜安帝
陳牲陋武皇
寒辰風習習
枯

谷露灑灑彤管宣揚盛
尼山草木香
小臣甘菲

質秋署備官常讀律遵先訓揮毫愧俊良歡呼
逢曠典拜手效賡颺



幸魯盛典卷三十四

欽定四庫全書

史部

辛魯盛典卷三十五至
八

詳校官宗人府府丞臣寶光肅

編修臣程嘉謨覆勘

總校官進士臣繆琪

校對官助教臣胡子襄

謄錄監生臣馬步蟾

欽定四庫全書

幸魯盛典卷三十五

恭遇

駕幸東魯釋奠

先師禮成

御製詩篇勒石垂示永久敬賦七言律三首

戶部河南清吏司員外臣李振世

漫道穆王馳八駿還輕夏后御雙龍豈如

帝德崇師範直以

天顏挹聖容
巖窠宮牆瞻美富
淵源洙泗見朝宗

宸章親灑由來少
迴出東山第一峯

其二

玉輦東巡謁素王
千官拜舞和

龍章杏壇雨露

天恩遠軒架金絲

聖治光自有平成
闢述作不將封禪
朔羲黃同文海宇

胥歸極應比尼山日月長

其三

甲子

鳴鑿下孔林有虞東狩又逢今九成樂備明禋志五

字詩傳精一心

御蓋留時光俎豆

宸章題處重球琳

尊師曠典真堪紀萬歲千秋頌

德音

恭頌

皇上駕幸曲阜祀

至聖先師孔子十章

戶部河南清吏司郎中臣莊名弼

維

皇承運上元甲子武功既成敷文伊始舊染維新民寧

幹止海晏河清軒舞再起

其二

維天愛道圖書以宣肇啓羲皇一畫開先黃帝
堯舜道乃遞傳作君作師二典有編

其三

放勳欽明重華是述允執厥中危微精一禹湯
文武基命宥密爰逮尼山道高上律

其四

大哉

孔子天縱作聖刪定贊修六經是正生民以來未有
其盛立道綏和萬古胥慶

其五

帝曰欽哉

聖居近止夢寐羹牆登堂乃是八鸞鏘鏘遙指闕里
龍旗十乘

聖心則喜

其六

帝曰欽哉有嚴有翼宗廟百官美富是式乃

命秩宗惟寅惟直虔修祀事恪共爾職

其七

有嚴

天子穆穆皇皇得門而入數仞宮牆孫枝奕葉濟濟

蹠金聲玉振獸舞鳳翔

其八

惟

聖契聖千載同堂乃揮

宸翰錫寵揚光萬世師表棹楔垂芳唐宗漢祖陋無文

章

其九

秦運方開文德是暢虞庭喜起夔拊臯颺亦越
成周卷阿繼唱於斯為盛萬代企仰

其十

天章煥乎光昭宇宙人文化成千載莫遺小臣備員粗

知句讀

天子萬年弼拜稽首

恭頌

聖駕幸闕里詩

戶部江南清吏司主事臣裴充珮

光被隆唐帝
薪傳紹素王
肅將殷盥薦
馨欬恍
宮牆俎豆方
陳設圖書並
喬皇彝倫欣
秩叙昭
格在馨香今
古微言契雲
孫奕葉昌

殊榮邀晉錫

宸翰灑奎章玉帛頒羣后
聲靈動八荒古皇齊軌轍後

聖藉津梁

大駕幸魯恭紀

戶部山西清吏司主事臣張天覺

聖學千秋重

君恩百代先

皇躬親俎豆

仙仗耀山川

華蓋尊師表

鴻文紀道傳

湛恩兼鉅典東魯戴

堯天

聖駕幸魯恭紀一章

戶部浙江清吏司主事臣方伸

上元甲子應期昌揆文奮武靖八荒在廷稽首

咸拜颺登封告類宜肅將我

皇謙讓曰未遑粵稽古典載省方

金輿翠輦南東行盱眙童叟跂踵望聿崇聖道先闡
揚鐘鼓殷旬日觀旁森森靈爽檜栢蒼朱檐碧
瓦數仞牆素王儼在情洋洋樞衣祗肅登陞堂
車服禮器何熒煌諸儒導前後趨踰

一人俯度穆皇潛通肸鬯儼衣裳僊韶縹緲翕天閭
四氏子弟叢奉璋沛以

殊恩露零灑蔚哉

睿藻摛奎章昭回屈注連天潢春金撞玉媿鏗鏘豐碑
巖巖高且昂階祀炯炯星日光緬邈秦灰魯壁
藏微言榛塞黯不茫亦有祀祠漢及唐列代纘
承稱賢王羣言龐雜間老莊清虛苦空遞頡頏
疇秩厥禮軼殊常一歸正學竅牝糠惟

皇心源洙泗長手障東川瀾不狂誕敷聲教訖四疆上
作下應網在綱鳳凰鳴矣於高岡八風吹出宮

與商小臣詞劣漢田郎秋吟蟋蟀沿栢梁渺希
風雅頌泱泱高深萬一詎能當靖共祇勉庶事
康卿雲載賡歌明良

聖駕幸魯恭紀

戶部福建清吏司主事臣王穀韋

省方勤夏載問俗繼虞巡峻拒云亭議

虔過洙泗濱千官陪

法駕萬騎歷城闐鄒邑傳

仙蹕尼峯

駐玉輪旗翻檜樹影佩拂杏壇塵車服升堂見几筵

入廟親

宸躬方穆穆

胄子復誦誦壁訪藏經處書稽吐玉晨德馨傳俎豆

曠典舉明禋執鬯

心逾肅披帷

意自真禮成欣鼓篋樂奏恍聞鈞四姓皆沾澤諸生

更

賜緡

天章輝日月

奎翰燦星辰

楷法龍文麗

詩篇鳳藻新

綸言誠博大貞石亦嶙峋
往者王風寢因之至教湮老

莊瀆列代揚墨燭先秦絕續憂吾道匡扶仗

聖人謙懷昔未覩大義此重伸樹鵠惟暮訓程材但洛
閩功超三代上治比百王醇浩蕩逢

昌運迂疎愧小臣望洋空致歎入室竟無因幸戴堯

天化寧愁顏巷貧康衢聊擊壤盛世仰垂紳應
識

今皇德真將造化均

恭紀

駕幸闕里詩

禮部儀制清吏司主事臣鄧性

百代斯文振羣方雅化同

宗儒循遠緒

闡道振宗風已自羹牆見何須夢寐通

宸章顯褒贊今古闕鴻濛

恭紀

聖駕幸魯詩

刑部雲南清吏司主事臣王謙

閭門曉啓出

鑿輿

勅戒前駟下充徐樂道頓忘

天子貴

崇儒願近

聖人居魯生獻賦登高日衛士歌風脫劍餘快觀

宸遊光鉅典五雲長護玉麟書

皇帝幸魯躬祀闕里詩

內閣撰文中書舍人臣陳悅旦

巍巍

帝德大無疆效法由來自

素王方

幸岱宗隆望秩旋臨闕里肅冠裳明經須近龜蒙地
觀禮爰登鄒魯堂欣覩

龍旗徐至止式瞻鷺序凜趨蹌杏壇雨露重沾潤泗
水星辰益煥光樂奏九成諧舞蹈祀陳三爵薦

馨香嚶嚶大呂明堂下
隱隱洪鐘輦路傍
道貌久知親夢寐
德容仍喜見羹牆
講筵更覩威儀盛
侍從皆聆訓誥彰

御筆餘輝騰日月

睿思雅韻叶宮商
遙馳

法駕山川奠崇豎
豐碑松柏芳允矣
休風超漢宋
猗歟曠典繼虞唐

大駕幸闕里賦 并序

內閣撰文中書舍人臣于漢翔

粵稽虞后四巡天王時邁詩書之文可考而知也繼此或有事登封或循行阡陌不過問俗省方陳詩納賈而已其於崇師重道之典無聞焉即漢高過魯祀以太牢史特書之用誌美也然其時禮制缺如儒風未振識者惜之豈如我皇上契危微精一之傳建禮樂中和之極左圖右史日就月將紹千聖之芳型為百王之懿範者哉彼

夫文宣之號錫於開元器物之頒優於廣順又
矐乎後已歲在甲子律叶應鐘乃肇舉東巡禮
祀秦岱既而過曲阜謁孔林且親詣其宅里馬
為之賦以抒其所見為之詩以致其所尊又

御書萬世師表四字用光聖教遂使尼山木鐸復響於
車塵馬足之餘璧水宗風特煥於珠榜璇題之
下臣弇鄙無文安能揚扆

高深於萬一然而躬逢鉅典其能已於鼓吹哉爰拜手

稽首而為之賦曰

惟道法之相續亘今古而無垠伊初以上氣象
渾敦鴻濛肇啓司教惟人皇極攸建錫福臣民
治化翔洽俗茂風淳自時厥後君師統別大道
同塗遂分畛域曲學繁興王澤下竭不有聖作
而物覩曷克使君極以尊師道以立維我

皇之景燦兮教訖於萬方際河流之効順兮海波不揚
偃武而益修文兮舞干羽而垂裳運

神謨而授方畧兮捐夔魑而靖欖槍擴禹貢之版圖兮
重九譯而闢八荒

天子方擁圖書研經史探珠淵之祕藏闡酉山之奧旨
既遊心於簡冊欲訪道於崆峒應上元之甲子
遂啓駕乎蒼龍倣古巡狩至於岱宗爰是雲罽
舉翠蓋擎幟阿曳綰而御輓朱鳥舒翼而倚衡
蚩尤秉纛勾陳靡旌千旗谷轉四牡風輕瞰日
觀歷云亭燔柴瘞璧獻幣陳牲海若因之動色

山靈為之呼聲是時猶未臨乎曲阜也乃曳虹
霓淨氛埃涉河濟踰江淮鮫人貢篚以承露馮
夷擊鼓以鳴雷銜枚而雞犬晝息弭節而黍谷
春回戒秋毫其無犯布陽和於方來草何知而
欲結民有感而胥懷既乃景行念切仰止欲抒
謂是行也非徒攬乎遊觀之勝豈聊逞乎心目
之娛顧瞻孔林勒轡停輿景昌平之芳躅幸闕
里之名區其山則逶迤襟帶鳧繹龜蒙崩力萃

峯霞蔚雲封有似乎雙闕之聳峙而樹聖人之
文峯其水則泗洙縈繞道脈源長淪澹澗潏澄
流泝光沐浴日月激盪陰陽有似乎濯文河而
波濶倬雲漢以成章其石則瑊玳砮砮陸離歷
落古篆螭螭豐碑薜剝有似乎繁星之麗天紛
垣野其相錯其木則文楷挺秀翠栢摩尋檜霧
晴暝松風晝陰蒼鼠竄逐以斂迹良禽容與以
棲音有似乎三千士之環羅而濟濟七十子之

拱立而森森於是肅明禋虔昭對詩歌三章禮
嚴

九拜庭燎熒煌爐烟黶黶肸蠁豐融鼓篋祭菜玉瓚
黃流繽紛藻績俎豆誠貫乎升中笙鏞響逸乎
雲外覩其殿宇軒楹恍梁木之未壞觀其車服
禮器儼哲人之如在固大成之聖宜崇實右文
之

主是賴斯時也一陽初動萬彙昭蘇飛霰絢乎棨栢卿

雲覆乎葭葦和鸞鳴而應律冷風拂而吹枯日
角珠庭光乎十哲金聲玉振徹乎兩廡煥文章
於魯壁陋綿叢之漢儒典禮既成工歌已畢樹
長旂以前行斂曲蓋而不飾匪直過里以式廬
乃遂登堂而入室望峻宇之睿岷兮類帝閭之
岌業排深闥之幽邃兮翳仙居其髣髴繚象緯
於周垣匝卉木於粉堞聚奎斗於崇墉落文虹
於丹壁對几杖戶牖之在前撫劔佩琴書之在

側若函丈之匪遙庶羹牆之可接啓五經而悟
薪傳進諸生而開講席賚之以縑緗錫之以品
秩推恩以旁逮乎宗祊勒石以永留乎勝蹟誠
曠代之隆施洵

盛朝之極則

天子於是睿思泉湧灑灑洋洋振千言之

宸詠煥萬仞之宮牆星辰糾縵乎硯匣風雨馳驟乎筆
床體製遠駕乎栢梁之上光芒直射乎杏壇之

旁屹然銀鈞分鐵畫配夫山高分水長若夫惠
風遐暢甘露覃敷既省耕而省斂亦賜復而賜
除勸稼穡於阡陌勤慰勞於農夫審肥瘠於原
隰辨燥濕於方隅盼屬車之一至樂豐年之多
稔久已心周於廣野今復身歷乎康衢皞皞乎
民登於衽席春臺之上喁喁然風進於循蜚疏
仡之初凡此深仁與厚澤比日由厭飫乎道腴於
是乎兒齒鮐背之叟含哺鼓腹之儔相與喟然

而歌曰望翠華兮六素虬建鸞旗兮薄天游揚
淑問兮桑田稠沛膏澤兮頌聲流安得稅駕兮
歲時巡乎九州而巖穴之士竊聞

幸魯之盛儀快覩崇師之曠典莫不抃舞而起曰瞻彼
東山兮玉露盤桓登其堂奧兮想像衣冠聆

天語之煌煌兮樹立山寒誦

宸章之炳炳兮雲燦星攢揭大道於中天兮下際上蟠
振微言於千載兮玉檢金函翳儒林之繁會兮

爭欲憑軾結鞠園橋門而聽觀所以際乎昇平
前代未足方其至治契乎心源徃聖洵有資夫
大義即列辟臨雍釋奠之典章無踰我

皇之誠摯又何況七十二代封禪之文安得頡頏而相
媿然而

天子猶孜孜靡暇嘉意共編酌前謨而為憲味至道而
為言詔典故則慎簡夫碩彥參政治則特拔乎
遺賢凡因革損益之允當信聖神文武之兼全

故能錄書出於河源醴泉湧於池圃丹鳳集於
高梧嘉穗呈於率土天休調劑乎五行坤維順
應乎六府膺卜年有道之長受百世無疆之祐
簪筆而紀者方將載

鴻烈於無窮故

盛事特書於東魯

幸魯盛典卷三十五

欽定四庫全書

幸魯盛典卷三十六

聖駕幸魯恭頌四首

內閣撰文中書舍人

臣

宋志梁

文教開東魯崇儒自

聖朝仙源停

日駕闕里攬雲翹絲竹聲飄縹
龍蛇影動搖九儀隆

灌獻觀聽肅園橋

其二

緹室灰初動天心轉一陽

豹車承檜露

龍袞帶芹香兩廡冠裳肅千秋俎豆長太平崇禮樂

藝苑藉笙簧

其三

堂畔穹碑在

絲綸沛

九天

王言雲漢麗

宸翰日星懸疑有蛟螭動真堪琬琰鐫摩挲欽墨寶珍

重越珠螭

其四

元聖功勳遠名儒理學深遺風傳奕世

特典賜華簪文德漸天壤

恩榮軼古今萬方親

盛化歌誦溢儒林

聖駕幸魯恭紀

行人司司正臣程兆麟

葭管飛灰日昌平

駐蹕時雲陰移雉尾樹影抱

龍旗

萬乘躬勤學千秋自得師巍巍瞻闕里肅肅拜階墀
咳真如在羹牆恍見之心源全默契俛仰有餘

思

鳳翰星辰麗

鸞章琬琰垂十行香爛熳五字墨淋漓直擬探三昧何

能贊一辭蛟螭纏古鼎神鬼護穹碑擊拊聲諧

律周旋步中規裡虔接俎豆肅穆對盤匱統緒

尊姬旦薪傳溯洛伊承

恩多異數

賜爵荷榮施榱桷雲霞燦松楸雨露滋遭逢良不易

踴躍慶

昌期

聖駕東巡幸魯恭頌

國子監監丞臣陸鳴珂

函夏昇平日

深宮服豫辰

六飛勤法駕百辟望清塵
虞典燔柴舊軒皇問道新

岱宗崇秩祀闕里覩明禋
車服先型古馨香

御氣親大官供俎豆仙樂奏伶倫拜舞分丹陛趨蹌
接絳宸

聖情餘繾綣

睿藻煥絲綸

翠蓋分天上穹碑立泗濱徘徊虬檜健俯仰壁經湮
爵土褒宗子

恩施逮庶人道心千載合元會兩儀淳望氣

奎光聚觀風

盛事陳太平欣有象至治快無垠幸際斯文啟咸瞻
吾道伸東巡告成禮奕禩頌

皇仁

駕幸闕里釋奠恭紀二律

中書科中書舍人_臣朱雲

玉輅時巡過泗沂奎婁舊寓有光輝千秋契合

君師統九獻精裡咫尺威煥爛

天書垂麗藻歲豨

御蓋拂煙霏魯邦今日沾

恩澤父老扶藜覲

六飛

羽衛鈞陳指聖林榛蕪自闕待

天臨

皇情俯察神著瑞法曲相和文鳥音馬鬣舊封增式廓
衮衣新廟薦時歌穹碑霄漢咸瞻仰絕勝金泥

梁父陰

駕幸闕里釋奠恭紀

中書科中書舍人臣汪以澄

聖德光天壤遐陬淑問揚法乾行不息繩武道彌昌精

一傳心學羹牆見古皇

講筵勤訪落經術重陳常主敬幾康飭存誠逸豫防

揮毫珠錯落採藻玉琳瑯問寢

慈闈切展親一體彰

郊壇時肅穆祀典久輝煌屢有蠲租

詔時頌泣罪章訟庭春靄靄部屋福穰穰俗易乾坤闢
兵銷日月光車書同萬國琛賁貢遐荒瑞應先
禾黍休徵若雨暘勤民嘗肝食底績協垂裳脫
劍崇文治尊經邦

素王修明昌正學筆削挈弘綱事業賢堯舜聞知埒
禹湯三才堪竝立百禩賴胥匡廟貌昌平舊衣
冠闕里藏

謂宜親釋奠豈特禮膠庠日麗秋前樹天融霽後霜

霓旌拂曉曙仙仗動巖廊氣挹東山秀源尋泗
水香宣尼如覲面顏孟恍同堂遺制儀曹備隆

文

睿慮詳

興朝瞻異數師表有餘芳嵩嶽懽呼遍芻蕘恩澤長
巡行當此日共慶樂無疆

聖駕幸闕里釋奠

先師禮成恭記

有序

中書科中書舍人臣徐樹穀

竊以姬王建學棧樸興歌漢后臨雍明堂作頌
凡茲臣庶共覩鴻庥苟具心知宜申踴拚譬彼
康衢田父能言帝力之弘栢梁小臣得與賡颺
之末斯實普天之同慶抑亦載籍之光華也欽
惟

皇上

學貫一中

道隆三極

稟徇齊之睿質更懋緝熙

奏者定之神功益勤宵旰肆經綸乎宇宙尤研極乎

幾微越三代而上法陶唐曠百世而獨師

孔子遂因

東狩特

幸魯邦登闕里之堂龍蹲如在問洙源之域馬鬣依

然雙闕遺壇猶傍大庭之庫重垣舊宅尚接靈

光之宮爰進祠官恪修曠典咸平奏曲備六代
之宮懸肅拜將誠薦兩楹之雕俎辨欂檀雝離
之種徧歷金門求紫麟赤雀之踪遙尋防阜將
昭

聖德致煩璇榜之題擬導

虔衷遂輟金爨之蓋既乃旋麾肅仗移

蹕講堂進五氏之譽髦析六經之與義三英有粲羣
霑安吉之溫兩塾無譁竝拜緜緜之

賜復有豐碑灑藻

優詔蠲租赤烏靈祠苾芬創舉白雲封檢燿火遙通皆
一代之鴻猷歷千秋而罕遇粵自軒轅命駕襄
野泊乎顓頊求師綠圖盛德冲懷後先輝映若
漢高之特牢致享宋祖之列戟施門以擬我

皇瞠乎後矣微臣冗陋幸際昌期敬獻蕪章聊申葵志
辭曰

聖主垂裳會薰風滿

帝寰河山朝虎觀日月近

龍顏夔樂簫韶正虞裡瑞璧頌碧霞遺廟曲玉女舊池
灣探策開金篋捫碑叩石關

東巡修典禮左顧切痾瘵暮草青川驛寒雲白下山
雕輪從電去繡騎逐颺還歸德靈祠閔昌平古
木環琴臺麟跡杳露井鳳儀飄篋豆椒馨薦雷
犧鮮色斑一誠

宸藻煥三禮

睿躬嫺賜錦天袍耀封書玉軸
園雲樓堯日靜射圃孔
堂閑金勒穿林外珠旂映水間
九華舒帳殿七
寶飾刀鐙雪扇欺銀雀霜鞞亞
白鷗鬚旃光轉
綠毳幕彩微殷魯國親

龍袞鄴鄉覲鷺斑文明傳盛事
萬古莫躋攀

聖駕幸闕里釋奠

先師禮成恭頌

中書科中書舍人臣臧眉錫

至聖高千聖

今皇邁百王

升堂如授受

入室仿羹牆

宸翰風雲麗

龍文日月光中天逢盛典從此道彌昌

聖駕東巡幸闕里恭紀

行人司行人臣徐炯

武庫揮戈日靈臺偃伯時敷文求至道秩禮重
先師

昭代鴻基創

今皇雅化隨春秋當歷序甲子會昌期南紀巡非遠東
封事尚疑觀河思大禹望嶽想

宣尼赤羽旗方轉

黃麾仗更移齋存兩楹奠敬過一牢祠麗景籠車服
清霜耀戟枝尊壘堂上舊絲竹壁中遺六佾陳

笙籥三牲薦鼎彝
裸將循古制肅拜迴常儀
布席俄傾耳談經實解頤
大宗

恩屢及舉族賞還推
旁矚兼笙兆周行歷廟墀
樵蘇無徑入灑掃有人司

寶翰千秋跡

丹綸五字詩雲章懸棹楫
奎畫峙豐碑金版非為瑞
銀繩未足奇

心源契鄒魯治統接軒羲

聖駕幸闕里恭紀四首

太常寺博士臣戴璠

中天文運啟盛世泰階平禮樂光謨烈詩書翊
聖明八荒歸化育萬彙慶生成此際

皇心豫

鑾輿發鳳城

其二

昌平佳氣遶遐企

翠華臨庭燎輝鍾篋爐香拂劍琴

君師真合契今古此傳心不識宮牆峻安知

帝澤深

其三

鐵畫摹璇榜鴻文煥綵毫圖球分

睿藻江漢濯詞濤共仰千秋頌還同一字褒從官稽史

冊曠代此

恩膏

其四

况復瞻棖桷巋然廟貌新
松楸生氣色苗裔半
朝紳至德思歌鳳文書
遡吐麟微臣遥拜手感
激頌鴻鈞

皇上東巡行幸

先師闕里恭賦有序

國子監博士陸德元

臣聞虞廷玉曆肆覲羣侯
室丹書各朝方嶽

蓋端拱而弘覆載固肅紀綱於堂陛之中省方
以煥聲靈亦咨疾苦於閭閻之下况夫崆峒訪
道河洛呈圖蘊藉寶華恢弘蟠際實足薰蒸雅
化鼓舞儒林豈若勒石之采陳詩汾鼎無關睿
學徒侈宸游者乎我

皇上德協元貞運當三五

問安視膳孝治皇唐復稅賜哺

恩膏浹洽掃欃槍而洗兵歌復旦以解愠車書玉帛六

合為家文物聲名百昌在宥

謂游仁義之藪澤必酌其源採典謨之芬腴必窮其
與溯自尼山聳峙泗水深涵刪述六經罔不日
月麗天而江河應地陶鎔萬物有如宮商從律
而黼黻成章雖璧水笙鏞昔曾

臨祀而杏壇松柏尚闕告虔爰

駕六飛瞻言數仞

特申九拜躬奠兩楹大道正中天非冉閔游夏之辭能

贊

至尊猶北面較漢唐宋明之禮尤加子姓裸將賢材秩

序於是加

恩四氏大賚諸生

瞻棟梁以留題

撫手植以作賦凡此儀文之盛皆為紀載之光更有

篤棐元公多材家相几几待旦衮衣之德依然

穆穆迺衡赤烏之徽邈矣迺修祠宇錫之土田

載訪世昆列於纓紱蓋以鎬豐鐘鼓發夢素王
山榛隰苓懷音西土豈非傳心千載合撰兩儀
者哉於斯時也廣漠清和九垓沐浴父老騰歡
於

黃幄風雲結靄於

翠華茂對者三靈蕃庶者庶草安瀾清晏植圭而答
天庥含哺嬉遊扶杖而歌

帝力乃神功不有大德不居重輪五色之祥屏除弗奏

玉檢金繩之蹟謙讓未遑蓋

天子唯求千八百國之盈寧奚暇考七十二君之卦禪

也臣渺見寡聞至愚極陋幸逢邳代忝屬成均

未邀太乙之光輝嘗執上丁之籩豆望

金門而待漏摇摇於星稀露浥之交考石鼓以探竒

昧昧於車攻馬同之際佩茲秋實顧慙春華似

彼夏蟲有懷冬曝云爾辭曰

元會承熙洽祥和普萬方武功當赫濯文命聿

輝煌學海宗洙泗封山陋漢唐

時巡屆

輦輅于邁及舟梁穆穆雲霄迴雍雍劍佩鏘觀雲正

日至望岱渾毫芒聖域停

清蹕神臯憩上襄陳書懷魯壁契道見虞牆

建極敷隆化

乘乾振大綱經傳資黼黻義舉叶珪璋木鐸當年振
金聲亘古揚顏曾方入室由賜僅升堂百氏鳴

其說諸儒慎厥防共知同爝火安敢比秋陽道
統因時貴師儀踵事詳

至尊今一顧正學益重光俎豆三登獻宮縣萬舞翔
冕旒躬磬折琮璧告馨香

顧問頒黎老諏詢遍廟廊章縫傳法服几杖列周行球
瑟分韶武尊彛問夏商流風逾皜皜肝蠻信洋
洋殊得

天顏喜還教異數將金貂元子錫玉醴四門嘗古檜摛

文藻輕毫飽墨霜霞雯驚爛縵驥勢看騰驤鈎
畫雲根綠飄颻羽葆黃深林瞻不遠若谷兆相
望荆棘寧潛伏松楸盡老蒼

聖情彌眷戀

睿語倍和莊拓壤參塗外周廬禁籞旁麟游嗟曠野鳳
翮待高岡南國思喬木東山想繡裳

詔司修祀典訪裔列官常周孔情同接

君師道竝昌尊經昭海甸黜異信遐荒大禮垂千禩淳

風越百王介邱符豈探梁父
旆空颺魏煥功丕
顯謙冲德更長永依熙皞日
保泰頌無疆

皇上東巡幸魯恭頌四十韻

國子監博士王吉武

武烈光三象文風洽九州

時巡恩自溥望秩典初裒

欽聖心源接

崇儒禮數周山川隣故里道
法景前修嚮往勞千乘

逶迤度七駟循濱過汶濟望野接奎婁雲氣

鑿輿動天香

羽蓋浮飛翔懷鳳蕭草木記麟遊沂水間

仙蹕防山颺

綵旂闕宮還頌魯舊宅尚傳鄒俎豆千秋在宮牆數

仞優

尊師隆磬折為道頰

宸旒芹藻登堂獻衣裳入廟捫鬚眉瞻舜禹冠劍想求

由講席閒居啟韋編大義搜宮懸兼漢夏禮器
列尊卣車服形猶古金絲響更幽遺綦司馬劫
斷簡祖龍讐射圃平蕪滿經壇老樹抽

皇情深繾綣

天語每諮諏回眺岡環拱旋看泗却流神臯驅枳棘靈
域閉松楸封樹仍三板乾坤此一抔設裊重展
謁

駐輦更遲留共仰

天顏喜還叨

寵賚稠曲莖分羽葆上服解貂裘雲縵摛辭麗銀鈎結
體道烏絲揮玉繭貞石負靈虬恩禮宗支洽光
榮祖德酬遍教沾四氏不獨錫元侯

異數隆誰竝斯文炳未休秋陽逾皜皜長夜豈悠悠
揖讓如神遇羹牆與道謀貞元當甲子心法在
春秋日月謨方顯

皇王德孰侔受書荒赤水刻石陋之朶教澤深淪髓風

風聲捷置郵
詖辭祛頓息
兵氣洗全收
占象知
昌運觀光及
遠陬濡毫賡

盛事慚愧採風謳

幸魯盛典卷三十六

欽定四庫全書

幸魯盛典卷三十七

聖駕巡幸闕里恭頌八首

理藩院知事臣張英

虞巡先岱嶽漢祀肅洙陰盛典前無古流輝直
到今思迴

天子駕道契聖人心豈羨登封出書功上翠岑

其二

偃武

皇風遍崇儒

聖治光勞謙勤

玉趾明德薦馨香禮樂還三統淵源證一堂微臣稽往

牒此日最輝煌

其三

金奏高軒發緇林古殿開

天行星騎擁人望

日車來多士陳經席元公捧

御杯凝

旒聞有賦不數大風才

其四

素王遺手澤古檜有崇柯表瑞神著竝論年漢栢多

自邀

天藻及長遣地靈呵巖窠南山石琅琅字不磨

其五

御蓋黃金織星文紫極懸

紫微垣有華蓋五十五星

柄回如斗曲

影動覺天旋
舊卓螭頭上新移豹尾前

詔留旌聖域垂憲憶千年

其六

千官迴矚處佳氣滿松扃
金榜齊楣起銀鈎運
腕靈光芒星日彩波磔虎龍形

天語闕元化煌煌似六經

其七

幸宅恩原渥榮宗數更殊褒封先四氏延賞及諸儒
樵牧初懸禁軒車日載途不煩梅尉請

睿鑒百王無

其八

昇平多制作動輒掩前修青鳥何勞致金仙豈待求
九衢懸正學萬禩仰

鴻庥

國史行傳信時維甲子秋

聖駕東巡行幸闕里恭賦

光祿寺典簿臣孫寶仍

帳殿遙臨泗水間

鑾輿侵曉向尼山千秋典秩增殊錫四氏衣冠識

聖顏度越百王真勅舉事兼三代喜追攀小臣童牝遊
東魯鼓吹休風舞末斑

皇上幸闕里釋奠紀盛

光祿寺珍羞署署正臣李文遠

玉曆膺符日

璇輿出狩時
燕郊鳴象輅
魯甸仰

龍旗恍賁峒
山駕言遵汶水
湄

帷宮凝紫霧

帳殿晃彤犧
曲阜遙相望
端門儼在斯
奎垣臨廟寢

斗曜映壇墀

五位嚴摠拜
千官盡攝齋
明陳俎豆肅
穆獻尊彝樂

奏安和曲筵
申莫祝詞聖
經搜戴禮易
象闡庖

羲遂揭凌雲榜

親題萬世師瑤光淨寶宇瑞色耀華棖

鳳蓋還留賜

鸞旌更遠移石壇盈翠靄輦路轉涼颺林木千章繞

天香十里吹

九重滋渥澤累葉拜榮施秩賜元公裔

恩從闕里推上元開甲子珠緯叶昌期

大駕東巡幸闕里恭紀

史館纂修官臣黃虞稷

聖主垂衣景運昌
白狼槃木遠來王
歲逢甲子晨頒朔

律應黃鐘

駕省方世際雍熙
人在宥泰居九五

帝當陽風行海澨
恢區宇順助天時
若雨暘地邇陬城

懷仰止源探洙水
得津梁森森松栝
干霄聳采

采蘋繁挹袖香舊
宅靈光殊靄靄孤
峯歷下自

蒼蒼橋門制度推
宗國禮殿崇閎象

帝閭

羽衛乍臨儀鄭重祠官夙戒事周詳伶倫戛石來

清禁侑舞分麾出太常鬱鬱青槐舒兩腋熒熒朱火

爛中央幾行繡黼排鴛鴦千隊霞旌控駟騶

鹵簿齊驅容赫奕箭韶協奏韻鏗鏘堯雲冉冉開金

幄舜日瞳瞳映玉韁半畝講壇依杏樹

九重仙仗驟龍驤靈威陟降輕烟遶肝蠻昭融純席光

鏞鼓并懸輝篋簏尊罍互列寶虞商燎餘燭入

庭階栢祀罷從登絲竹堂陶頂禹腰思肖貌大
縫章甫見冠裳螭文剝蝕穹碑泐虬幹盤迴老

檜芳

鸞輅欲旋猶眷慕孔林漸近更徜徉柞枌細辨諸方
植瓴甍遙尋故築塲卷藹神著

躬把玩低回陳蹟意蒼茫一函

鳳詔勤宣布百代人師孰頡頏刪定詩書垂宇宙監觀
殷夏盛文章生知獨亶天將縱道大難容衆共

傷感感何之歌曠野温温靡試感周行狩從西
郭祥麟逝瑞降端門赤雀翔拂几

凝旒親翰墨含毫琢句等珪璋已看

聖藻揮

宸極更捧璇題署

御床鐵畫銀鈎神煥發

天葩睿製思焜煌榮增陞祀留

芝蓋寵畀貞珉護璧璫萬姓同瞻文郁郁中天益歎

道洋洋

聖惟知聖誠先覺名莫能名信不忘正學咸聞尊澤泗
小儒底用說荀楊褒成大賚承

恩沃東野疏封錫祐滂時值休和欣有道民恬耕鑿樂
無疆減汪沛澤超今古覃被隆施及校庠何幸微臣
遭盛美還因珥筆載賡颺聊敷擊壤康衢頌快覩

高天萬禩慶

大駕東巡幸闕里恭紀

史館纂修官臣姜宸英

軒皇垂裳得天紀七曜聚合如璧珠經歲四千
五百六貞元之會今同符康熙紀元

天子聖二十三年文教敷

臨雍雷振靈鼉鼓拜洛天浮龍馬圖舜干乍輝荒服
靜神鞭再投海水枯爰議時巡降

清問禮官具儀

帝曰俞

德音始渙萬物泰所過盡

賜明年租禮崇望告首東岱制度一一準有虞簡省
興衛止除道奔走父老寧需扶既陋五土事封
禪亦笑八駿徒馳驅闕里臨幸有故事跨漢軼
唐禮數殊泉林游泳證道妙魯門未到心先輸
有司宿戒壺濯陳羹釧飯簋籩脯胸筍鱗虛羸
編磬備和以琴瑟笙簫竽樂工肆成太常部三
十六舞紛縈紆是月仲冬日己卯軫中朗概明

前楹風和氣暄翼雲罩

冕旒肅穆中殿須雲雷之尊犧象二祭器羅列商周模
祝辭親製

皇帝獻告虔弊嘉酌清醑贊稱九拜獻三跪此事今有
古所無烟燎既舉神洋洋千官竝起鏘瑤瑜

皇帝更衣御行幄臚傳進講駢生徒如聆金石壁中奏
復見詩禮庭前趨締觀象設展圖繪始知妙手

神明俱

帝乃載歌歌五言音成雅頌文典謨摩掌手植生意盡
化工迴斡欣重蘇

鸞旗北指廟扉闔羲和停轡儼未晡墓門高瞰大庭
庫石梁徑渡城陰洙千年隧道絕荆棘四方移
種饒檀榆黃玉一閔不復見惟見羣雀鳴相呼
舉酒三酹復再拜草間翁仲聞都吁靈著目擊
心自契陰陽變化誰能摹

六師久嚴先輅動

皇情欲去增跼蹐青雲留拂翠華葆垂露交輝金榜烏

四氏承

思拜稽首填觀萬姓皆睢盱年廟碑復載往

睿藻揮灑翰墨濡碑用西山奪玉石白鏹齋運出中帑

蓋用琉璃瓦兼兩樹之金聲門右隅排挾幽局

煥長夜晶晶懸日當天衢百家騰恣仁義塞可

憐聖路久榛蕪元和大中祇文具漢鑄唐搨空

模糊我

皇好道不旁鶩但言魯國惟一儒岐陽嶧陽先後聖
堯井列穹龜趺從此膠庠盛經術絃歌詎獨鄒
與邾人文化成休氣應陽和鼓動天地爐羣臣
不知所報答

陛下萬歲長懽愉

聖駕幸魯恭頌

山東布政使司布政使

臣

黃元驥

躬臨闕里藻芹香釋奠儀成邁漢唐宅奏金絲聞異響

壁開蚪蚪現祥光三千禮樂諸生在十二河山
後裔長自是褒崇逢

聖代中天文治遍遐方

其二

精一傳心紹有虞

臨雍更進魯諸儒同尊周孔修經學獨

御乾坤闡易圖芹水春風歸

教育杏壇時雨樂沾濡懸知君道兼師道

神聖天開歷代無

聖駕幸闕里釋奠

先師禮成恭頌

山東分守濟東道兼理驛傳事務布政司參議臣陳俞侯

翠蓋遙臨岱岳東
防山泗水即崆峒
罇彝位設階千
尺絲竹聲飄殿九重

特定儀文超漢祖
更分芹藻到姬公
煌煌明備欣殊典
況有

奎章照泮宮

甲子冬月

皇上幸闕里躬祀

先聖即事恭紀

山東分守登萊道布政司參議 臣 丁 蕙

盛世文明啟詩書被八埏尼山垂道統泗水溯靈淵

封岱

鸞旗賁崇儒

玉輅還升堂來

萬乘

駐蹕匝平田羽衛鈞陳整周廬劔佩闐兩楹觀坐奠
肆祀列宮懸典樂笙鏞正司儀灌獻便先期嚴
滌濯右享碩牲牲樞拜

宸容肅趨蹌執事虔咏歌音要眇翟籥舞翩躚昭格通
燔燎馨香溢豆邊羹牆懷仰止車服想當年周
覽深諮度遺徽獨泝泐橫經青玉案席地紫茸

羶鵝鷺陪

行幄衣冠侍

講筵庭階瞻日近族姓沐

恩偏澤沛兼金賜官增博士員闈橋人濟濟鼓篋士
襁襁松栢森蒼翠蛟螭攫蜿蜒尊彝犧象列碑

碣漢唐鐫展翫稽時代摩挲愛古先杏壇觀瑞
檜碧甃泓清泉巖業軒墀峻雕鏤柱石妍果憇
金縷細椽栢玉題圓繡栱烟霄外虹樓日月邊

規模誠壯麗俯仰重流連
林木龍鱗老幽宮馬鬣堅

六飛臨古隧百畝廣新阡
葱鬱占佳氣徘徊

駐綵旃摘著知異卉入室
憶前賢羅織留

天澤金絲勒頌篇

奎章輝棟宇

睿藻麗雲烟琬琰光華燦
蛟龍體勢騫鴻圖千古煥
曠典萬年傳先後揆真一
高深協自然小臣聊獻

句擲管愧如椽

曲阜瞻拜

御製

至聖先師孔子廟碑恭紀

山東督糧道布政使司參議臣胡介祉

聖人統御協萬邦雍熙政治齊虞唐大海偃息波不揚
率土寧謐兵戈藏元公調和歌明良學士倚馬

賦長楊

天子好學邁百王窮搜古典手丹黃師儒重道

睿智彰東

幸闕里祀典光上下千古無與方猗歟盛哉

帝德昌復揮雲漢灑

天章

遣官立石垂久長小臣不才與鵷行五年起草仍舍

香一麾建節當荆襄濟師絡繹需舟航日夜鞅

掌雖不遑吏民安堵樂且康奉

詔旋移海岱鄉運籌發粟儲天倉欣逢甲子贍

垂裳敬陳茲事終始詳于今拜舞豐碑旁銀鈎

御墨紛琳瑯益思

聖祚真無疆猗歟盛哉

帝德昌

幸魯賦

提督山東學政按察司副使臣宮夢仁

粵自疆分徐兗星次奎婁泰山從龍而作鎮滄

海浩瀚而奔流負龜蒙兮阻河濟控鉅野兮跨
中牟啟雄封兮少昊錯繡壤兮東周爰蘊精於
故魯遂誕聖於名鄒金管飛聲而樂奏玉書吐
瑞而麟遊其人則東西南北其業則刪定贊修
傳道統兮不泯秉微權兮罕儔挽江河而懸日
月兮功垂穹壤建廟祀而獻牲牢兮禮重春秋
我

皇上本天縱以成能協時中以御宇執精一而四勿端

際昇平而九經舉

盛德洋溢乎歌衢

大業恢張乎舞羽
銘勲則烟閣雲臺講藝則膠宮泮水
身已兼夫作君作師

心猶企夫問官問禮謂人間無尼阜萬古崦嵫而域內
有東家千秋萃律未能踰階而升天兮不難登
堂而入室前驅厲武兮向廣魯以擬金後乘趨
文兮指昌平而

駐蹕五峯靈毓之地二水聖作之區樞星參夫象緯
奎文接夫璇樞銀潢靜兮澄魚藻金薤明兮載
龜趺松是秦而不辱栢經漢而猶敷門具宗廟
百官之富堂有金絲詩禮之模中為大成之巍
煥

聖人南面而端居姿河海兮形山嶽服袞冕兮佩珩
琚若夫墓上芝靈溝邊兔白廣道重墉文楷翠
栢林絕定巢之鳥徑罕鈎衣之棘三板之土岱

嶽是同一畝之宮王居攸匹爾乃絳螭停軌翠
鳳留蹤郊迎前導羽衛蒨蔥聖孫賢裔紛其來
從繩繩雲步穆穆

天容仰明靈之如在儼奠獻以升中興頰兮鏗璜珮
斲
訇兮奏笙鏞進銅羹兮蠲潔列俎豆兮豐隆邁
遣臣兮建武軼還祀兮乾封較祥符兮禮有加
於再拜擬廣順兮神非藉於夢通顏高楣兮尊
師表留曲蓋兮覆儒宗咏數仞之牆兮氣吞萬

象賦再生之檜兮采奪晴虹爾乃載

命鳩司遠礪碑製琳珉選夫青熒碩礧懿夫綵緞五丁
開而爛編巨靈載而屬興惟

聖知聖宣金聲玉振之音以心印心慕期月三年之治
炊酌經史兮入道與之已深鎔鑄粹精兮等神
機於不滓詞鋒景煥兮規模筆陳縱橫兮體勢
傳來天上兮無非翥鳳翔龍流播寰區兮共寶
赤文綠字乃更姬宗爵錫孟廟碑新思性天之

能達褒理學之名臣肆

鴻恩之汪濊宜曠典之修明於是尼防增其萃律洙泗
益其弘深播之遐荒靡不知

聖主尊師而重道傳之億禩咸共贊

熙朝偃武而修文臣學謝朱程才慙管樂彤庭猥廁

英翹絳帳謬司木鐸後期而至今雖未效夫趨

蹠銜

命而臨兮喜獲親夫丹雘杏壇槐市之子競鼓篋以雍

容褒衣博帶之儒悉橫經而考索欽

盛軌則穹崇乎橫廓乎一握文履度之難以援梯也

仰

玉音則燻閭乎炳麟乎一祖述憲章之莫可臆測也珍
寵錫則含蓋兮天無不覆屹立兮地無不載一玉壁
瓊書之永莫於無窮也實深歡忭敢效賡颺乃

為之歌曰

鸞輅東巡兮舜日堯天

躬祀林廟兮於爍無前運符五百兮道衍三千恢弘文

治兮濬發

王言貞珉磨礱兮

奎畫盤旋哀緝

盛典兮金玉其編水湯湯兮山巖巖

聖德皇風兮永具瞻

聖駕幸闕里釋奠

先師禮成恭頌

提督山東學政按察司副使

臣

唐賡堯

文物輝煌汶泗濱
唐虞盛事邁時巡
金絲壁啟
詩書古俎豆
筵開耳目新
奕奕

龍旗光映日
魏魏麟壤氣
回春莫驚禮
數加無已原
有心傳接

至人

幸魯盛典卷三十七